

Kanton Sarajevo
Skupština Kantona Sarajevo
Zastupnica u Skupštini Kantona Sarajevo Admela Hodžić
Sarajevo, 11.06.2023. godine

UPUTITI: Ministarstvu pravde i uprave KS

ZASTUPNIČKA INICIJATIVA

U skladu sa članom 213. Poslovnika Skupštine Kantona Sarajevo („Službene novine Kantona Sarajevo“, broj 41/12 - drugi novi prečišćeni tekst 15/13, 47/13, 47/15, 48/16, 9/20, 14/20, 16/22 i 17/22-Ispravka), podnosim inicijativu Ministarstvu pravde i uprave Kantona Sarajevo da zaduži Upravni inspektorat Kantona Sarajevo da provede cjelokupnu proceduru kontrole ispravnosti provođenja postupka kojim nezaposleni demobilisani branioci mlađi od 57 godina ostvaruju prava “egzistencijalnih mjesečnih naknada nezaposlenih demobilisanih branioca mlađih od 57 godina”, u svim općinama Kantona Sarajevo za zahtjeve za ostvarivanje ovih prava koji su predati općinskim službama od 01.10.2022. godine do 30.04.2023. godine i dostave izvještaj svim zastupnicima Skupštine Kantona Sarajevo o stvarnom stanju i poduzetim mjerama.

OBRAZLOŽENJE

Pritužbe građana demobilisanih nezaposlenih boraca mlađih od 57 godina a koji su najzaslužniji za odbranu naše domovine Bosne i Hercegovine, borci Armije RBiH koji nemaju stalno zaposlenje i stalna mjesečna primanja postaju svakodnevne. Tragom informacije da se zahtjevi za ostvarivanje ove vrste mjesečne egzistencijalne naknade rješavaju 3 i više mjeseci, čak ima demobilisanih boraca koji tvrde da ni nakon 5 mjeseci ne dobiju rješenje, podnosim ovu inicijativu Ministarstvu pravde i uprave Kantona Sarajevo da zaduži Upravni inspektorat Kantona Sarajevo kako bi smo što prije došli do egzaktnih podataka i našli moguća rješenja kako da ovaj process ubrzamo, a sve u skladu sa ZAKONOM O UPRAVNOM POSTUPKU FEDERACIJE BiH ("Službene novine FBiH", br. 2/1998, 48/1999 i 61/2022).

Član 1.

(1) Po ovom zakonu dužni su postupati organi uprave Federacije Bosne i Hercegovine (u daljnjem tekstu: Federacija) i organi uprave kantona, kao i gradske i

općinske službe za upravu i drugi organi (u daljnjem tekstu: organi) kad u upravnim stvarima, neposredno primjenjujući propise, rješavaju o pravima, obavezama ili pravnim interesima građana, pravnih lica ili drugih stranaka.

(2) Nadležna tijela kantona mogu donositi dopunska pravila upravnog postupka, koja moraju biti sukladna ovom zakonu.

(3) Po ovom zakonu dužna su postupati i poduzeća (društva), ustanove i druga pravna lica kad u obavljanju javnih ovlasti (u daljnjem tekstu: institucije koje imaju javne ovlasti) koje su im povjerene zakonom ili propisom gradskog ili općinskog vijeća rješavaju u upravnim stvarima.

14. Ekonomičnost postupka

Član 14.

Postupak se ima voditi brzo i sa što manje troškova i gubitka vremena za stranku i druge osobe koje učestvuju u postupku, ali tako da se pribavi sve što je potrebno za pravilno utvrđivanje činjeničnog stanja i za donošenje zakonitog i pravilnog rješenja. Organ je dužan po službenoj dužnosti pribavljati podatke o činjenicama o kojima se vodi službena evidencija.

4. Rok za izdavanje rješenja

Član 216.

(1) Kad se postupak pokreće povodom zahtjeva stranke, odnosno po službenoj dužnosti ako je to u interesu stranke, a prije donošenja rješenja nije potrebno provoditi poseban ispitni postupak, niti postoje drugi razlozi zbog kojih se ne može donijeti rješenje bez odgode (rješavanje prethodnog pitanja i dr.), nadležni organ je dužan donijeti rješenje i dostaviti ga stranci što prije, a najkasnije u roku od 30 dana računajući od dana predaje urednog zahtjeva, odnosno od dana pokretanja postupka po službenoj dužnosti, ako posebnim propisom nije određen kraći rok.

(2) U ostalim slučajevima kad se postupak pokreće povodom zahtjeva stranke, odnosno po službenoj dužnosti, ako je to u interesu stranke, nadležni organ je dužan donijeti rješenje i dostaviti ga stranci najkasnije u roku od 60 dana, ako posebnim propisom nije određen kraći rok.

(3) Ako nadležni organ protiv čijeg je rješenja dopuštena žalba ne donese rješenje i ne dostavi ga stranci u roku iz st. 1. i 2. ovog člana, stranka ima pravo izjaviti žalbu nadležnom organu, kao da je njen zahtjev odbijen.

(4) Kad se u postupku radi o slučajevima iz člana 139. ovog zakona, nadležni organ je dužan rješenje po zahtjevu stranke donijeti najkasnije u roku od 15 dana od dana prijema zahtjeva

U skladu sa djelokrugom Upravnog inspektorata koji vrši poslove inspeksijskog nadzora propisanog federalnim zakonom, kantonalnim zakonom i drugim propisima, koji se odnosi na: organizaciju i način rada organa uprave i upravnih organizacija, radne odnose državnih službenika i namještenika u organima uprave i upravnim organizacijama, primjenu propisa kojima su utvrđena pravila upravnog postupka,

propisa koji se odnose na posebne upravne postupke i propisa kojim se uređuje kancelarijsko poslovanje u kantonalnim, gradskim i općinskim organima uprave i upravnim organizacijama i pravnim licima kojima su povjerena javna ovlašćenja, kada rješavaju po kantonalnim zakonima i drugim kantonalnim propisima, načinu prikupljanja dokaza u upravnom postupku, a posebno dokaza koji prema zakonu treba da se pribavljaju po službenoj dužnosti, načinu povedbe administrativnog izvršenja, pružanju pravne pomoći građanima i pravnim licima u upravnom postupku, vođenju propisane evidencije za prvostepeni i drugostepeni upravni postupak, podnosim ovu inicijativu da u skladu sa svojim nadležnostima izvrši kontrolu u svim općinama KS za gore navedeni period.

Molim nadležne da što prije postupe po ovoj inicijativi i dostave rezultate kontrole i poduzetim aktivnostima, odnosno mjerama u skladu svoji nadležnosti.

Zastupnica u Skupštini KS Admela Hodžić